



SAVEZ SAMOSTALNIH SINDIKATA  
BOSNE I HERCEGOVINE

CONFEDERATION OF INDEPENDENT TRADE  
UNIONS OF BOSNIA AND HERZEGOVINA

Obala Kulina bana I, 71000 Sarajevo, Bosna i Hercegovina  
Tel: +387 33 20 20 29; tel/fax: +387 33 22 61 71, 44 23 21;  
E-mail: [sssbih@sssbih.com](mailto:sssbih@sssbih.com), Web-site: [www.sssbih.com](http://www.sssbih.com)

Broj: 01-III-192/18  
Sarajevo, 14.06.2018. godine

DELEGATIMA 14. KONGRESA  
SAVEZA SAMOSTALNIH SINDIKATA BIH

**PREDMET:** Pojašnjenje situacije oko održavanja nastavka 14. kongresa SSSBiH

Poštovani/e,

U prethodnih nekoliko dana vjerovatno ste kroz razgovore sa kolegama ili najčešće preko elektronskih medija dolazili do informacija o nastavku 14. kongresa Saveza samostalnih sindikata BiH a koji predsjedavajući Radnog predsjedništva 14. kongresa SSSBiH ima namjeru zakazati za 20.06.2018. godine. S obzirom da se u javnosti, ali i među članstvom manipuliše sa informacijama i podacima, ovim putem želim dati nekoliko dodatnih pojašnjenja kako bi svi delegati 14. kongresa SSSBiH bili adekvatno, pravilno i istinito informisani u pogledu nadležnosti organa koji saziva i organizuje kongres. S tim u vezi ističem nekoliko bitnih činjenica:

1. Članom 30. stav 2. Statuta Saveza samostalnih sindikata BiH propisano je, između ostalog, da odluku o sazivanju kongresa donosi Glavni odbor SSSBiH na prijedlog Predsjedništva Glavnog odbora SSSBiH;
2. Prema članu 38. stav 2. Statuta Saveza samostalnih sindikata BiH, sjednicu Glavnog odbora SSSBiH saziva predsjednik Saveza prema vlastitoj procjeni, na zahtjev Predsjedništva Glavnog odbora SSSBiH ili nadpolovične većine glasova članica u Glavnom odboru SSSBiH. Također, stavom 3. ovog člana propisano je da sjednicom Glavnog odbora SSSBiH predsjedava i rukovodi predsjednik SSSBiH, a u njegovoj odsutnosti jedan od potpredsjednika po ovlaštenju potpredsjednika SSSBiH;
3. Članom 44. stav 1. alineja 10. Statuta SSSBiH i članom 6. stav 1. Poslovnika o radu Glavnog odbora SSSBiH propisano je da Predsjedništvo Glavnog odbora SSSBiH ima nadležnost da priprema sjednice Glavnog odbora SSSBiH, odnosno da utvrđuje prijedloge dokumenata za sjednicu Glavnog odbora SSSBiH.


Iz gore navednih odredbi Statuta SSSBiH, odnosno Poslovnika o radu Glavnog odbora SSSBiH nedvojbeno se može zaključiti da je sazivanje sjednice Glavnog odbora SSSBiH u **isključivoj nadležnosti predsjednika SSSBiH**, tako da sazivanje nastavka 14. kongresa SSSBiH od strane predsjedavajućeg Radnog predsjedništva 14. Kongresa SSSBiH je **u suprotnosti sa Statutom SSSBiH**. Bitno je napomenuti da niti jednom odredbom Poslovnika o radu 14. kongresa SSSBiH **nije data nadležnost Radom predsjedništvu** da može sazivati i organizovati kako kongres tako ni nastavak kongresa, a pogotovo rukovoditi SSSBiH. Također, treba imati na umu da bez obzira na istek mandata predsjednika i organa SSSBiH, isti mogu djelovati i raditi sve dok se ne izabere novo rukovodstvo i razrješi postojeće. Iako je predsjedavajući Radnog predsjedništva 14. Kongresa SSSBiH upozoravan kako usmenim tako i pisanim putem na protustatutarno djelovanje, isti je zakazao nastavak 14. kongresa SSSBiH za 20.06.2018. godine. Odredbe Statuta SSSBiH na koje se poziva predsjedavajući Radnog predsjedništva 14. kongresa SSSBiH (članovi 30., 31. i 51.) ne daju mu bilo kakva ovlaštenja da organizuje i saziva kongres, već naprotiv te nadležnost se daju organima SSSBiH. **S tim u vezi pozivam sve delegate 14. kongresa SSSBiH da se suzdrže prisustva nelegalno i protuistatutarno zakazanom nastavku 14. kongresa te da prate rad i instrukcije organa SSSBiH.** U cilju što bolje informisanosti delegata, ovim putem naglašavam da je zakazana

Vanredna sjednica Predsjedništva Glavnog odbora SSSBiH za 18.06.2018. godine na kojoj će se, pored utvrđivanja datuma i dnevnog reda sjednice Glavnog odbora SSSBiH u vezi sa održavanjem nastavka 14. kongresa, govoriti i o drugim problemima bitnim za članstvo poput nedonošenja zakona o povezivanju radnog staža, poduzimanja daljih aktivnosti u vezi Općeg kolektivnog ugovora, te neodržavanje sjednica Ekonomsko-socijalnog vijeća za teritoriju FBiH. Na proširenu sjednicu Predsjedništva Glavnog odbora SSSBiH pozvani su i predsjednici granskih sindikata, te predsjednici Statutarne komisije i Nadzornog odbora SSSBiH.

Na kraju želim naglasiti da se rješavanje ove problematike kao i svake druge treba svesti u institucionalne okvire (Predsjedništvo Glavnog odbora SSSBiH, Glavni odbor SSSBiH), te u skladu sa Statutom SSSBiH naći odgovarajuća rješenja. Smatram da je to jedini način da se bez uplitanja vanjskih faktora sačuva snaga i jedinstvo kako SSSBiH tako i sindikalnog pokreta uopće.

**Ne zaboravite, odgovornost je na svima nama!**

S poštovanjem,



**Prilog:**

- Upozorenje broj: 01-III-166/18 od 17.05.2018. godine;
- Poziv za 23. vanrednu sjednicu Predsjedništva Glavnog odbora SSSBiH broj 01-II-190/18 od 08.06.2018. godine

**Dostavljeno:**

- Naslovu
- a/a



Broj: 01-II-190/18  
Sarajevo, 08. juni 2018. godine

- ČLANOVIMA PREDsjedništva GLAVNOG ODBORA  
SAVEZA SAMOSTALNIH SINDIKATA BiH
- PREDsjedNICIMA GRANSKIH SINDIKATA
- PREDsjedNIKU STATUTARNE KOMISIJE SSSBiH
- PREDsjedNIKU NADZORNOG ODBORA SSSBiH

Na osnovu člana 43. stav 2. Statuta Saveza samostalnih sindikata Bosne i Hercegovine. **s a z i v a m**

**23. vanrednu proširenu sjednicu  
Predsjedništva Glavnog odbora SSSBiH**

Za sjednicu predlažem sljedeći

**D N E V N I R E D:**

1. Zauzimanje stava zbog nedonošenja Zakona o preuzimanju finansiranja neizmirenih doprinosa za penzijsko i invalidsko osiguranje za osiguranike zaposlene u privrednim društvima sa većinskim državnim kapitalom, javnim preduzećima i ustanovama u Federaciji Bosne i Hercegovine u periodu 01.04.1992. – 31.12.2014 godine;
2. Poduzimanje daljih aktivnosti u vezi Općeg kolektivnog ugovora za teritoriju Federacije BiH;
3. Neodržavanje sjednica ESV FBiH sa posebnim osvrtom na inicijativu SSSBiH za utvrđivanje najniže satnice za 2018. godinu;
4. Utvrđivanje datuma i dnevnog reda za održavanje sjednice Glavnog odbora SSSBiH a u vezi sa održavanjem nastavka 14. kongresa SSSBiH;

Sjednica će se održati u **ponedjeljak, 18. juna 2018. godine sa početkom u 11:00 sati** u u zgradi Doma sindikata, Sarajevo, Obala Kulina bana I, sala I/I.

**Napomena:** S obzirom na ozbiljnost problematike sa kojom se suočava SSSBiH sjednici su, pored članova Predsjedništva Glavnog odbora obavezni prisustvovati predsjednici granskih sindikata kao i predsjednik Nadzornog odbora i Statutarne komisije SSSBiH.

S poštovanjem,



**PREDsjedNIK**  
Ismet Bajramović



SAVEZ SAMOSTALNIH SINDIKATA  
BOSNE I HERCEGOVINE

CONFEDERATION OF INDEPENDENT TRADE  
UNIONS OF BOSNIA AND HERZEGOVINA

Obala Kulina bana 1, 71000 Sarajevo, Bosna i Hercegovina  
Tel: +387 33 20 20 29; tel/fax: +387 33 22 61 71, 44 23 21;  
E-mail: [sssbih@sssbih.com](mailto:sssbih@sssbih.com), Web-site: [www.sssbih.com](http://www.sssbih.com)

Broj: 01-III-166/18  
Sarajevo, 17.05.2018. godine

ČLANOVIMA GLAVNOG ODBORA  
SAVEZA SAMOSTALNIH SINDIKATA BIH  
PREDSJEDNICIMA GRANSKIH SINDIKATA

PREDMET: Upozorenje

Poštovani/e,

Dana 17.05.2018. godine, Savez samostalnih sindikata BiH je putem e-maila od Samostalnog sindikata državnih službenika i namještenika u organima državne službe, sudskoj vlasti i javnim ustanovama u Federaciji BiH zaprimio akt od 16.05.2018. godine u kojem se članovi Glavnog odbora Saveza samostalnih sindikata BiH i predsjednici granskih sindikata koji nisu članovi Glavnog odbora SSSBiH pozivaju na sjednicu Glavnog odbora Saveza samostalnih sindikata BiH, koja bi se trebala održati 22.05.2018. godine. Pomenutim aktom je zloupotrebjen memorandum Saveza samostalnih sindikata BiH, a sadržaj navedenog akta je potpisan od predsjedavajućeg 14. Kongresa SSSBiH i predsjednika Samostalnog sindikata radnika rudnika Federacije BiH.

Na samom početku, imam potrebu a i obavezu da obavijestim sve članove Glavnog odbora Saveza samostalnih sindikata BiH da prema članu 38. stav 2. Statuta Saveza samostalnih sindikata BiH, sjednicu Glavnog odbora SSSBiH saziva predsjednik Saveza prema vlastitoj procjeni, na zahtjev Predsjedništva Glavnog odbora SSSBiH ili nadpolovične većine glasova članica u Glavnom odboru SSSBiH. Također, stavom 3. ovog člana propisano je da sjednicom Glavnog odbora SSSBiH predsjedava i rukovodi predsjednik SSSBiH, a u njegovoj odsutnosti jedan od potpredsjednika po ovlaštenju predsjednika SSSBiH. Nadalje članom 44. stav 1. alineja 10. Statuta SSSBiH i članom 6. stav 1. Poslovnika o radu Glavnog odbora SSSBiH propisano je da Predsjedništvo Glavnog odbora SSSBiH ima nadležnost da priprema sjednice Glavnog odbora SSSBiH, odnosno da utvrđuje prijedloge dokumenata za sjednicu Glavnog odbora SSSBiH.

Iz gore navedenih odredbi Statuta SSSBiH, odnosno Poslovnika o radu Glavnog odbora SSSBiH nedvojbeno se može zaključiti da je sazivanje sjednice Glavnog odbora SSSBiH u **isključivoj nadležnosti predsjednika SSSBiH**, tako da sazivanje sjednice Glavnog odbora SSSBiH od strane predsjedavajućeg 14. Kongresa SSSBiH i predsjednika Samostalnog sindikata radnika rudnika Federacije BiH je **u suprotnosti sa Statutom SSSBiH**. S obzirom da sjednica Glavnog odbora SSSBiH nije sazvana od strane predsjednika SSSBiH, postavlja se pitanje ko će predsjedavati i rukovoditi zakazanom sjednicom Glavnog odbora SSSBiH, budući da ja kao predsjednik SSSBiH nisam dao ovlaštenje niti jednom od potpredsjednika da predsjedava i rukovodi sjednicom Glavnog odbora SSSBiH.

Imajući u vidu sve naprijed navedeno, ovim putem upozoravam sve članove Glavnog odbora SSSBiH kao i predsjednike granskih sindikata da se strogo pridržavaju odredbi Statuta SSSBiH, te da se suzdrže od bilo kakvih aktivnosti koje ne poznaje Statut Saveza samostalnih sindikata BiH, odnosno da **ne prisustvujete sjednici Glavnog odbora SSSBiH zakazanoj na nelegalan način.**

S poštovanjem,

Dostavljeno:  
- naslovu  
- a/a

